



Ordenanza fiscal reguladora da taxa pola utilización privativa ou aproveitamento especial do solo, subsolo e voo sobre o dominio público local por parte de empresas operadoras do sector eléctrico, telecomunicacións e hidrocarburos.

Aprobada por el Pleno de este Ayuntamiento con fecha de 14 de Febrero de 2003.
Publicada en el Boletín Oficial de la Provincia nº 74, Lunes 31 de Marzo de 2003.

Ó abeiro das facultades normativas outorgadas polos artigos 133.2 e 142 da Constitución Española, artigo 6.1.b da Lei 5/97 do 22 de xullo de Admón. Xeral de Galicia e artigo 106 da Lei 7/1985, Reguladoras das Bases de Réxime Local sobre potestade normativa en materia de tributos locais e de conformidade tamén co establecido nos artigos 15 e seguintes, así como no Título II, todos eles da Lei 39/1988, de 28 de decembro, Reguladora das Facendas Locais, na súa redacción dada pola Lei 51/2002, do 27 de decembro, de modificación da dita norma, regulase mediante a presente Ordenanza Fiscal a Taxa pola utilización privativa ou aproveitamento especial do solo, subsolo e voo do dominio público local conforme ó réxime e ás tarifas que se inclúen na presente ordenanza.

Artigo 1º. Ámbito de aplicación.

Veñen obrigados ó pago da taxa que regula esta ordenanza tódalas persoas físicas ou xurídicas, sociedades civís, comunidades de bens e demais entidades a que se refire o artigo 33 da Lei 230/1963, do 28 de decembro, xeral tributaria, que sendo operadores dos sectores da electricidade, telecomunicacións e hidrocarburos, leven a cabo a utilización privativa ou se beneficien de calquera modo do aproveitamento especial do dominio público local coas especificacións e concrecións do que se dirán, ou que veñan gozando de ditos beneficios e que afecten en calquera forma ó solo, subsolo e voo de dito dominio público local.

A aplicación da presente ordenanza farase da forma seguinte:

- En réxime xeral.
- En réxime especial ou de compensación.

Enténdese por ámbito de aplicación no réxime xeral, a taxa a satisfacer pola utilización privativa ou ó aproveitamento especial do solo, subsolo e voo do dominio público local.

Enténdese por ámbito de aplicación no réxime especial a taxa a satisfacer pola utilización privativa ou aproveitamento especial do subsolo, solo e voo das vías públicas municipais a favor das empresas explotadoras de servizos de subministrados que resulten de interese xeral ou afecten á xeneralidade ou a unha parte importante dos veciños, entendéndose comprendidas as empresas distribuidoras e comercializadoras a que se refire o artigo 24.1 c) da Lei 39/1988 e isto unicamente no que se refire ó aproveitamento especial ou utilización privativa das súas instalacións nas vías públicas municipais.

Artigo 2º. Feito imponible.

Constitúe o feito imponible da taxa: A utilización privativa ou o aproveitamento especial do dominio público local que se concreta nesta ordenanza. Ós efectos da presente ordenanza enténdese por dominio público local tódolos bens de uso, dominio ou servizo público e os comunais ou pertencentes ó común de veciños, exceptuándose por isto os denominados bens patrimoniais; e por vía pública, o espazo do solo, subsolo e voo que formando parte do dominio público local, este comprendido por rúas, prazas, camiños municipais e demais espazos do dominio público local coa consideración de "vías públicas" que se encontren dentro do perímetro do solo urbano e urbanizable e dos núcleos de poboación.

A tal fin as persoas físicas ou xurídicas contribuíntes por esta ordenanza virán obrigadas a presentar no concello, durante o primeiro mes de cada ano, relación comprensiva e especificativa de tódalas súas instalacións e elementos afectados a esta ordenanza. Noutro caso será determinado polos servizos técnicos municipais.

As taxas reguladas nesta ordenanza son compatibles co imposto sobre Construcións, Obras e Instalacións e con outras taxas que teña establecidas, ou poida establecer, o concello tanto por utilización privativa ou aproveitamento especial do solo, subsolo e voo das vías públicas municipais, como por prestación de servizos ou realización de actividades de competencia local.



Artigo 3º. Suxeitos pasivos.

Son suxeitos pasivos da taxa, en concepto de contribuíntes, as persoas físicas e xurídicas así como as entidades a que se refire o artigo 33 da Lei xeral tributaria, que teñan a condición de "operadores dos sectores de electricidade, telecomunicacións e hidrocarburos " que gocen, utilicen ou aproveiten especialmente o dominio público local en beneficio particular, conforme algún dos supostos previstos no artigo 20.3 da Lei 39/1988 e especialmente as empresas que producen, transportan, distribúen e comercializan enerxía eléctrica, redes de telecomunicación e hidrocarburos e os seus elementos anexos e necesarios para prestar o servizo, afectando coas súas instalacións ó dominio público local, exceptuadas as empresas ás que se aplica o ámbito do réxime especial ou compensatorio xa contido anteriormente.

Artigo 4º. Cota tributaria.

A contía das taxas reguladas na presente ordenanza será a seguinte:

a) Para os suxeitos pasivos sometidos ó réxime xeral da taxa e da ordenanza, constitúe a cota tributaria a contida nas tarifas que figuran no anexo. Tratándose a presente taxa como de réxime xeral pola utilización privativa ou aproveitamento especial do dominio público local, exceptuado o comprensivo das vías públicas municipais, nos termos desta ordenanza fiscal, o importe das taxas previstas por dita utilización privativa ou o aproveitamento especial do dominio público local, fixarase tomando como referencia o valor que tería no mercado a utilidade derivada de dita utilización ou aproveitamento, como se os bens afectados non fosen de dominio público.

A tal fin e en consonancia con parágrafo

a) do apartado 1 do artigo 24 da Lei reguladora, atendendo á natureza específica da utilización privativa ou do aproveitamento especial, establecéronse as tarifas anexas, atendidas as especiais circunstancias dos suxeitos pasivos, principalmente empresas subministradoras de servizos de subministro de interese xeral entre as que cabe citar ás empresas hidroeléctricas que transportan fluído eléctrico para a súa posterior distribución ou comercialización a outras compañías, entidades ou particulares e que o fan mediante torres, soportes, postes, etc... sobre os que se atopan as liñas ou redes que se asentan e atravesan bens de uso, dominio, servizo público e bens comunais, e que en consecuencia non tendo a propiedade sobre os terreos afectados, minguan sen embargo o seu aproveitamento común ou público e obteñen sobre eles unha utilización privativa ou un aproveitamento especial para a súa propia actividade empresarial.

b) Para os suxeitos pasivos da taxa ós que se lle aplica a ordenanza en réxime especial ou compensatorios, o importe da taxa e en consecuencia da cota tributaria consistirá, en todo caso, no 1,5 por 100 dos ingresos brutos procedentes da facturación que obteñan anualmente en cada termo municipal as referidas empresas.

Ós efectos deste réxime de cuantificación da taxa aplicarase ás empresas as que se refire o parágrafo c) do apartado 1 do artigo 24 da Lei 39/1988 tanto se son titulares das correspondentes redes a través das que se efectúan os abastecementos, como se, non sendo titulares de ditas redes, o son de dereitos de uso, acceso ou interconexión a elas.

Artigo 5º. Obrigación de pagamento.

1. A obriga de pagamento da taxa regulada nesta ordenanza nace:

a) Tratándose de concesións de novos aproveitamentos ou utilizacións privativas do dominio público local, no momento de solicitar a correspondente licenza, ou aínda carecendo dela, no momento de autorización ou concesión administrativa por quen proceda.

b) Tratándose de concesións de aproveitamentos ou utilizacións privativas xa autorizados, aínda que non conten con licenza municipal, e sen prexuízo da súa regularización polo suxeito pasivo ou titular da actividade, o día primeiro de cada un dos períodos naturais de tempo sinalados na tarifa.

2. O pagamento da taxa realizarase:

a) Tratándose de concesións de novos aproveitamentos ou utilizacións privativas novas, por ingreso directo nas dependencias municipais ou onde determine ó concello e sempre antes de retirar a correspondente licenza sen prexuízo do importe doutras obrigas tributarias. Este ingreso terá o carácter de depósito previo, de conformidade co establecido no artigo 26 da Lei 39/1988, quedando elevado a definitivo ó concederse a licenza correspondente.

b) Tratándose de concesións de aproveitamentos ou utilizacións privativas xa autorizados, unha vez incluídos nos padróns ou matrículas desta taxa, por anos naturais nas oficinas do concello ou



conta restrinxida en entidade financeira que se lle indique, dende o día 16 do primeiro mes do ano ata o día 15 do segundo mes do ano. O concello dispón así o ingreso anual dunha soa e única vez coas notificacións previas ós contribuíntes das taxas.

Artigo 6º. Réxime de ingreso de taxas.

1. A taxa exisirase, normalmente, en réxime de autoliquidación. Tamén se esixira mediante notificación das cotas ó suxeito pasivo cando non exista autoliquidación ou non se presente declaración polo suxeito pasivo en canto ós elementos e demais para calcular as cotas tributarias.

2. Cando se subscriban convenios con representantes dos interesados ou cos propios suxeitos pasivos segundo o previsto nesta ordenanza, as declaración de inicio do aproveitamento especial ou utilización privativa ou das variacións dos elementos tributarios, así como o ingreso da taxa, realizaranse segundo o convenio.

3. Nos supostos diferentes do previsto no apartado 2, as cantidades esixibles de acordo coas tarifas liquidaranse por cada aproveitamento solicitado ou realizado e por cada utilización privativa e serán irreductibles polos períodos de tempo sinalados nos respectivos epígrafes da seguinte forma.

a) Nos supostos de concesións de novos aproveitamentos, xunto coa solicitude de autorización para utilizar o aproveitamento especial, presentárase debidamente cumprimentado o impreso de autoliquidación da taxa o en outro caso aplicarase o apartado 1 deste artigo en relación co parágrafo seguinte.

Alternativamente, poden presentarse na secretaría xeral do concello os elementos da declaración ó obxecto de que o funcionario municipal competente preste a asistencia necesaria para determinar a débeda. Neste suposto, expedirase un abono ó interesado, ó obxecto de que poida satisfacer a cota naquel momento, ou no prazo que proceda, nos lugares de pago indicados no propio abono.

b) Nos supostos de aproveitamentos ou utilizacións xa existentes ou autorizados, o pago das taxa efectuarase no primeiro trimestre de cada ano ou dentro dos prazos que estableza a liquidación si se dera este suposto, a excepción do período de 2003 que por virtude da modificación lexislativa poderá realizarse ata o 31 de decembro de dito ano. Co fin de facilitar o pago, o concello poderá remitir ó domicilio do suxeito pasivo un documento apto para permitir o pagamento en entidade bancaria colaboradora. Non obstante, a non recepción do documento de pagamento citado non invalida a obriga de satisfacer a taxa no período determinado polo concello.

4. O suxeito pasivo poderá solicitar a domiciliación do pagamento da taxa, neste caso ordenarase o cargo en conta bancaria durante a última quincena do período de pagamento voluntario.

Artigo 7º.- Notificacións das taxas.

1. A notificación da débeda tributaria nos supostos dos aproveitamentos ou utilizacións ós que se refire esta ordenanza realizarase ó interesado, no momento en que se presente a autoliquidación ou no que se leve a cabo a liquidación dela.

Non obstante o previsto no apartado anterior, se unha vez verificada a autoliquidación resultara incorrecta, practicarase liquidación complementaria.

2. Nos supostos de taxas por aproveitamentos especiais ou utilización privativa obxecto desta ordenanza, continuados e que teñan carácter periódico, notificarase persoalmente ó solicitante a alta no rexistro de contribuíntes entendéndose en todo caso notificado coa aprobación do padrón e o seu anuncio de ter sido aprobado. A taxa de exercicios sucesivos notificarase colectivamente, mediante a exposición pública do padrón no taboleiro de anuncios do concello, polo período correspondente que se publicará no BOP.

Artigo 8.- Normas de xestión.

1. As cantidades esixibles ó abeiro das tarifas liquidaranse por cada aproveitamento solicitado ou realizado, ou pola utilización privativa do dominio público local e serán irreductibles polos períodos de tempo sinalados nos respectivos epígrafes.

2. As persoas físicas ou xurídicas e demais entidades interesadas na concesión de aproveitamentos ou na utilización privativa regulados neste ordenanza ou titulares de concesións administrativas ou outras autorizacións legais, que non contén coa oportuna licenza municipal, deberana solicitar e cumprí-los trámites legais que resulten de aplicación.



3. Unha vez autorizada a ocupación sobre os bens a que se refire esta ordenanza, ou establecida ésta, se non se determinou con exactitude a duración da autorización que tolere o aproveitamento ou a utilización privativa, entenderase prorrogada a efectos desta ordenanza, ata que se presente a declaración de baixa polos suxeitos pasivos.

4. A presentación da baixa terá efectos a partir do día primeiro do período natural de tempo seguinte sinalado nos epígrafes das tarifas. A non presentación da baixa determinara a obriga de continuar aboando a taxa.

5. Poderanse establecer convenios de colaboración con organizacións representativas dos suxeitos pasivos, ou con entidades que deban tributar polos feitos impositivos previstos nesta ordenanza, co fin de simplificar os procedementos de declaración, liquidación ou recadación.

Artigo 9º.- Infraccións.

As infraccións desta ordenanza e defraudacións que se cometan serán sancionadas ó abeiro das disposicións vixentes na materia.

Constitúen casos especiais de infracción, cualificados de defraudación:

a) A realización dalgún aproveitamento ou utilización privativa dos regulados por esta ordenanza, sen a necesaria licenza municipal.

b) A ocupación do dominio público local excedendo os límites fixados na licenza.

A imposición de sancións non impedirá, en ningún caso a liquidación e cobro das cotas percibidas non prescritas.

Disposición final

A presente ordenanza entrará en vigor o día da súa publicación no BOP, e comezará a aplicarse a partir do día 1 de xaneiro de 2003, conforme á disposición transitoria quinta da Lei 51/2002, permanecendo en vigor para exercicios sucesivos ata a súa modificación ou derogación expresa.

Anexo de tarifas

Taxa pola utilización privativa ou aproveitamento especial do solo, subsolo e voo sobre o dominio público local.

Tarifas (orientativas a determinar no informe técnico económico).

Concepto; importe (euros/ano).

- Por cada torre metálica de liña de alta tensión; 150 euros.
- Por cada torre metálica de liña de media ou baixa tensión; 75 euros.
- Por cada poste que soporte liñas de transporte ou distribución de enerxía eléctrica; 18 euros.
- Por cada metro lineal de cada cable de conducción de enerxía ou subministro subterráneo ou aéreo; 0,60 euros.
- Por cada caixa de empalmes, distribución, rexistro ou similar; 12 euros.
- Por cada metro lineal de tubería ou canal subterráneo; 0,60 euros.
- Por cada transformador ou elemento similar; 30 euros.
- Por cada depósito; 100 euros.
- Por cada antena de telefonía móbil, repetidor ou similar; 1.502,53 euros.